



Hans Enoksen, Inatsisartunut ilaasortaq, Partii Naleraq /-maani

§ 37 naapertorlugu apeqqummut nr. 113-imut Tasiusami imermik pilersuinermit tungasumut akissuteqaat

Asasara Hans Enoksen

Qujanaq apeqquteqaatinnut, Tasiusami imermik pilersuinermit pissutsit aamma pilersaarutit pillugit paasissutissiinissannut periarfissiisunut.

Tasiusami imermik pilersuinermit atatillugu unammilligassat kingunerisaannik Nukisiorfiit ASIAQ peqatigalugu Tasiusami imeqarfiup annertussusaa 2014-imi ukiaanerani misissorpaat. Misissuinermit tassani uppernarsarneqarpoq, taseq ataatsimut isigalugu ikkattorujussuusooq. Taamaattumik sikup issussusaa tatsimi erngup annertussusaanut tamarmiusumut annertoorujussuarmik pingaaruteqarpoq. 2014/15-imi ukiunera immikkut unammillernartoqarpoq, tassami siku 1,5 meterit angullugit issussuseqarsimammat. Taamaattumik imissamaataasooq sikup ataaniittoq annikitsuaraasimavoq.

Apeqqutitit issuarneqarput aammalu matuma kinguliani ataasiakkaarlugit akissuteqarfigineqarlutik:

1. Tasiusami Upernaviup pigisaani ukiunerani imeqarniarnikkut ajornartoortarneq qaangerniarlugu Naalakkersuisut qanoq pilersaaruteqarpat?

2014-imi Tasiusami imeqarfiup eqqaani nunap timaani misissuineq matuma siuliani taaneqartoq malitseqartillugu, imermik imigassamik pilersuinermit tatsit nutaat ilanngutsinnissaaq Nukissiorfiit pilersaarutigaa. Tatsini allani imermik suliarineqanngitsumik pissamaataasut imermik imigassamik pilersuinermit atorineqarsinnaanersut Nukissiorfiit misiliutissamik pilersitsileruttoq. Taseq alla imermut imigassamut atorineqarsinnaasooq Pinngortitamut, Avatangiisinut Inatsisinilli Atuutitsinermit Naalakkersuisoqarfimmik akuerineqarsinnaassappat, aqqusersuutissamik ataavartussamik ikkussuinermit suliaqarneq Nukissiorfiit aallartitissavaat. Tamatuma tungaanut Nukissiorfiit imermik pilersuineq pitsanngorsarniarpaat, ilaatigut 2015-imi ukiaanerani qerinarsinnginnerani imeqarfiup immerneqarneratigut. Taamatuttaaq Tasiusap tasiani erngup aqqutaa imermik tigooqqaaviusartoq ataavortoq tatsip itinersaanut apuutsinneqassaaq, tassami ASIAQ-mit 2014-imi misissuinerup takutippaa, maannakkut erngup aqqutaa maannakkut imermik tigooqqaaviusartoq pitsaanerpaamik inissisimangitsoq.

2. Tasiusami Upernaviup pigisaani imeqarfiup aqqinneqarnissaanut Naalakkersuisut aningaasanik immikkoortitsinissamut pilersaaruteqarpat?

04-05-2015
Sagsnr. 2015-114107
Dok. Nr. 1956164

Postboks 1614
3900 Nuuk
Tlf. (+299) 34 50 00
Fax (+299) 34 54 10
E-mail: paian@nanoq.gl
www.naalakkersuisut.gl

Tasiusami imeqarfiup immikkut iluarsaanneqarnissaanut aningaasassanik immikkoortitsinissamut Naalakkersuisut pilersaaruteqanngillat. Tasiusami imeqarfiup iluarsaanneqarnissaa Nukissiorfiit imermik pilersuiffiusuni aningaasaleeqqinnissamut pilersaarutaanni ataatsimoortuni ilaavoq. Ukioq manna imeqarfiup iluarsaanneqarnissaa aalajangersimasumik pilersaarutigineqanngilaq.

3. Tasiusami imeqarfik ukiuunerani imaaruttarnera qaangerniarlugu tatsimut allamut atassusiinissaq qaqugu aqqinniarneqarpa?

Erngup pitsaassusaanik tatsini allani misissuinerit 2015-ip qaangerneranut ingerlanneqassapput. Tamatum kingorna taseq imeqarfissaq nutaaq oqartussaasunit akuersissuteqarfigineqartussaassaaq. Taamaattumik imermut suliarineqanngitsumut nutaanik aqquersuineq siusinnerpaamik 2016-imi pilersinneqarsinnaassaaq.

Neriuppunga akissuteqaat tamakkiisutut isigissagit.

Inussiarnersumik inuulluaqqusillunga

Mala Høy Kúko